

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 4 APRIL 2011, PUKUL 10.00 PAGI

Bil. 17

PERTANYAAN-PERTANYAAN BAGI JAWAB LISAN

1. PR-000-L41313
Datuk Md.Sirat bin Abu [Bukit Katil] minta **MENTERI DALAM NEGERI** menyatakan berapa ramaikah bilangan pendatang asing di negara ini mengikut sektor pekerjaan yang dibenarkan. Berapa ramai pula yang dibenarkan menjalankan perniagaan seperti gerai makanan dan memiliki harta seperti rumah di negara ini.
2. PR-000-L41452
Tuan Salahuddin Bin Haji Ayub [Kubang Kerian] minta **PERDANA MENTERI** menyatakan apakah langkah-langkah pro-aktif Kerajaan bagi menjamin tahap keselamatan dan perpaduan rakyat berbilang kaum dalam negara ini agar terus terpelihara. Adakah Kerajaan mengenal pasti terdapatnya elemen-elemen yang sedang menjalar dan merebak yang memungkinkan berlakunya tragedi yang tidak diingini berlaku di negara ini.
3. PR-000-L42711
Tuan Kamalanathan a/l Panchanathan [Hulu Selangor] minta **PERDANA MENTERI** menyatakan apakah langkah-langkah yang telah dan akan diambil oleh Majlis Tindakan Ekonomi Negara untuk memastikan bahawa Dasar Ekonomi Baru merangkumi semua rakyat Malaysia tanpa mengira agama, bangsa, latar belakang dan juga profesion masing-masing.
4. PR-000-L42926
Tuan Mohd Firdaus bin Jaafar [Jerai] minta **MENTERI KERJA RAYA** menyatakan apakah Kementerian berhasrat melakukan kerja-kerja membaik pulih jambatan maut di sepanjang jalan raya Gurun-Guar Cempedak dan bilakah kerja-kerja tersebut akan dimulakan.

5. PR-000-L41873
Dato' Seri Mohd. Radzi bin Sheikh Ahmad [Kangar] minta **MENTERI PERUMAHAN DAN KERAJAAN TEMPATAN** menyatakan apakah langkah-langkah konstruktif pihak Kementerian khususnya peranan pihak berkuasa tempatan dalam usaha menjamin kawasan pelupusan sampah yang terletak berdekatan sungai-sungai yang menjadi sumber utama air mentah tidak tercemar oleh ammonia dan bahan buangan lain yang boleh membawa mudarat kepada kesihatan pengguna air.
6. PR-000-L42169
Tuan Nga Kor Ming [Taiping] minta **MENTERI PERTANIAN DAN INDUSTRI ASAS TANI** menyatakan apakah rancangan terperinci dan pencapaian Kerajaan untuk memastikan Malaysia mempunyai bekalan beras dan makanan lain yang mencukupi untuk keperluan rakyat dan pasaran supaya negara tidak perlu bergantung kepada negara asing untuk bekalan makanan.
7. PR-000-L42662
Dato' Dr. Mohamad Shahrudin bin Osman [Lipis] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah Kementerian berhasrat melahirkan usahawan Internet melalui Program Usahawan Internet untuk memasarkan perniagaan mereka secara atas talian dengan lebih meluas.
8. PR-000-L42894
Tuan Mohd. Nasir bin Zakaria [Padang Terap] minta **MENTERI PENGAJIAN TINGGI** menyatakan :-
 - (a) bilangan universiti dan kolej universiti swasta yang wujud di dalam negara; dan
 - (b) bilangan universiti dan kolej universiti swasta yang mendapat geran serta jumlah universiti dan kolej universiti swasta yang berjaya dan gagal serta jumlah pelajar.
9. PR-000-L42842
Dato' Haji Abd Rahman bin Dahlan [Kota Belud] minta **MENTERI PERDAGANGAN ANTARABANGSA DAN INDUSTRI** menyatakan apakah dasar-dasar utama Kementerian untuk mempromosikan pelaburan antarabangsa di Sabah. Apakah wujud dasar-dasar yang unik untuk negeri Sabah sahaja.
10. PR-000-L42960
Tuan Haji Nasharudin bin Mat Isa [Bachok] minta **MENTERI KEWANGAN** menyatakan langkah drastik yang telah diambil oleh Kerajaan untuk mengurangkan kadar hutang isi rumah yang dicatatkan paling tinggi di Asia sepertimana yang didedahkan oleh Institut Penyelidikan Ekonomi Malaysia (MIER).

11. PR-000-L42294
Dato' Seri Ong Tee Keat [Pandan] minta **MENTERI PENGAJIAN TINGGI** menyatakan tahap keberkesanan usaha Kementerian memperkenalkan Kursus Kemahiran Insaniah (*soft skills*) di IPTA dan nyatakan kriteria untuk mengukur keberkesanan berkenaan. Setakat manakah siswazah IPTA berdaya saing dalam bidang kerjaya berbanding dengan negara-negara lain di benua Asia.
12. PR-000-L42321
Tuan Amran bin Ab Ghani [Tanah Merah] minta **MENTERI PENERANGAN, KOMUNIKASI DAN KEBUDAYAAN** menyatakan sejauh manakah keaktifan kegiatan aktiviti arkeologi di Malaysia bagi memastikan pemuliharaan warisan dan tinggalan sejarah tidak hilang dan pupus serta nyatakan lokasi-lokasi yang menarik dan penting ditemui.
13. PR-000-L41398
Tuan Masir Anak Kujat [Sri Aman] minta **MENTERI KESIHATAN** menyatakan sama ada Kementerian mempunyai rancangan untuk membina Klinik Kesihatan Desa yang baru di kawasan Lachau / Pantu dalam RMKe-10.
14. PR-000-L42009
Dato' Seri Zahrain Mohamed Hashim [Bayan Baru] minta **PERDANA MENTERI** menyatakan sama ada Kerajaan akan meneruskan projek pembinaan jambatan baru untuk menggantikan Tambak Johor.
15. PR-000-L41883
Tuan Ding Kuong Hiing [Sarikei] minta **MENTERI KESIHATAN** menyatakan usaha-usaha pihak Kementerian menubuhkan Klinik 1Malaysia di Sarikei memandangkan permintaan tinggi keperluan Klinik 1Malaysia di Pekan Jakar, Sarikei. Jika tidak, nyatakan sebab atau sebaliknya.
16. PR-000-L41799
Datuk Chua Soon Bui [Tawau] minta **MENTERI KEMAJUAN LUAR BANDAR DAN WILAYAH** menyatakan :-
 - (a) sila senaraikan projek dan jumlah yang diperuntukkan untuk setiap projek berhubung bekalan elektrik dan air di luar bandar dan pembinaan jalan di bandar-bandar utama di Sabah, seperti Kota Kinabalu, Sandakan, Tawau dan Lahad Datu; dan
 - (b) mengapa dan apakah projek-projek yang tertunda di Sabah pada 2010.

17. PR-000-L41544
Tuan Salleh bin Kalbi [Silam] minta **MENTERI PENERANGAN, KOMUNIKASI DAN KEBUDAYAAN** menyatakan apakah ada inisiatif Kementerian untuk mengurangkan adegan bunuh diri dan cubaan bunuh diri di dalam drama-drama tempatan supaya pendedahan berlebihan terhadap program yang mengandungi unsur ini tidak memberikan impak negatif terhadap golongan remaja.
18. PR-000-L42296
Tuan William Leong Jee Keen [Selayang] minta **PERDANA MENTERI** menyatakan adakah syarat-syarat 30 peratus Ekuiti Bumiputera, tindakan afirmatif berdasarkan kuota perkauman dan lain-lain berdasarkan DEB akan dilaksanakan di bawah MBE. Jika ada, apakah program dan tempoh program-program dilaksanakan bawah MBE.
19. PR-000-L41393
Dato' Sri Ir. Mohd Zin bin Mohamed [Sepang] minta **MENTERI PERUMAHAN DAN KERAJAAN TEMPATAN** menyatakan jumlah syarikat memberi pinjaman wang berlesen ketika ini mengikut negeri dan apakah usaha Kementerian dalam memantau aktiviti mereka dalam proses pemberian pinjaman agar tidak membebankan peminjam memandangkan terdapat pelbagai rungutan kesukaran untuk mendapatkan pinjaman daripada syarikat sebegini dan apakah strategi Kementerian dalam menangani masalah kebergantungan sesetengah rakyat kepada golongan pemberi pinjaman tidak berlesen atau Ah Long.
20. PR-000-L41940
Tuan Wong Ho Leng [Sibu] minta **MENTERI KEMAJUAN LUAR BANDAR DAN WILAYAH** menyatakan langkah-langkah untuk meningkatkan kualiti hidup penduduk di luar bandar Sarawak, termasuklah pembangunan dan pembinaan jambatan, bekalan elektrik dan air paip.
21. PR-000-L41210
Tuan William @ Nyallau Anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan dengan memberitahu berapa jumlah permohonan di bawah skim penanaman semula getah di bawah RISDA diterima dari kawasan Parlimen Lubok Antu dan berapakah jumlah yang telah diluluskan untuk dilaksanakan dalam tempoh 2 tahun pertama RMKe-10.
22. PR-000-L42445
Tuan Lim Guan Eng [Bagan] minta **PERDANA MENTERI** menyatakan jumlah peruntukan yang diluluskan di bawah Rancangan Malaysia Ke-10 untuk Pulau Pinang dan berikan butiran terperinci tentang jenis projek dan perbandingan dengan jumlah keseluruhan RMKe-10.

23. PR-000-L41681
Datuk Haji Baharum Bin Mohamed [Sekijang] minta **MENTERI KESIHATAN** menyatakan bilakah projek menaiktarafkan Hospital Daerah Segamat untuk dijadikan hospital pakar sepenuhnya.
24. PR-000-L42395
Tuan Chong Chieng Jen [Bandar Kuching] minta **MENTERI KEWANGAN** menyatakan senarai pengilang air minuman mineral di seluruh Malaysia yang ada bayar cukai jualan atas botol plastik air minuman mineral yang dikilang oleh mereka dan berapakah cukai yang dibayar oleh mereka masing-masing dalam tahun 2008, 2009 dan 2010.
25. PR-000-L42974
Tuan Hasbi bin Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan dapatkah Kerajaan memasukkan dalam RMKe-10 pembinaan Jalan Meritam / Telahak / Bong Abal / Pengkalan Rejab Fasa 3 (fasa terakhir) dalam tahun 2012 kerana Fasa 1 & 2 dijangka siap penghujung tahun 2011 untuk memastikan objektif asal jalan sebagai jalan alternatif dan membuka kawasan pembangunan tanah jelapang padi.
26. PR-000-L41431
Datuk Eric Enchin Majimbun [Sepanggar] minta **PERDANA MENTERI** menyatakan jumlah keluasan ladang yang ditanam dengan kelapa sawit oleh FELDA / Lembaga Kemajuan Tanah Negeri Sabah (LKTNS) serta tanaman getah oleh Lembaga Industri Getah Sabah, FELCRA dan syarikat-syarikat swasta di Sabah. Berapa nilai hasil pendapatan dalam 10 tahun kebelakangan ini.
27. PR-000-L41363
Dato' Seri Ong Ka Chuan [Tanjong Malim] minta **MENTERI PERTANIAN DAN INDUSTRI ASAS TANI** menyatakan :-
- (a) usaha yang akan diambil untuk mengurangkan impak kenaikan harga makanan keperluan utama yang begitu ketara sejak beberapa tahun lepas; dan
 - (b) tindakan yang diambil untuk membangunkan industri pertanian negara supaya ia bukan sahaja dapat menghasilkan makanan yang mencukupi untuk permintaan pasaran domestik malah mampu bertindak untuk mengurangkan kesan perubahan harga makanan dunia akibat perubahan cuaca dan bencana banjir.

28. PR-000-L42613
Dato' Seri Abdul Hadi bin Awang [Marang] minta **MENTERI DALAM NEGERI** menyatakan dengan jelas apakah kewujudan Bahagian Agama dan Kaunseling dalam perkhidmatan polis mempunyai persamaan dengan fungsi KAGAT dalam perkhidmatan tentera. Berdasarkan statistik, perincikan kejayaan bahagian ini dalam membentuk anggota polis yang mempunyai asas moral dan integriti yang kukuh.
29. PR-000-L42434
Dato' Sri Azalina binti Dato' Othman Said [Pengerang] minta **MENTERI BELIA DAN SUKAN** menyatakan langkah dan perancangan yang diambil bagi menyelesaikan perbalahan yang melanda Persatuan Sukan Taekwondo WTF dan ITF.
30. PR-000-L41564
Tuan Muhammad bin Husain [Pasir Puteh] minta **MENTERI PENERANGAN, KOMUNIKASI DAN KEBUDAYAAN** menyatakan kejayaan yang dicapai oleh industri kesenian dan hiburan tempatan memasarkan produk di peringkat antarabangsa dalam situasi dunia tanpa sempadan sekarang.
31. PR-000-L41977
Dato' Noraini binti Ahmad [Parit Sulong] minta **MENTERI PELAJARAN** menyatakan apakah status cadangan bagi menurunkan umur memasuki sekolah pada Tahun 1 daripada enam (6) tahun ke lima (5) tahun supaya setanding dengan negara-negara maju. Adakah Kementerian telah menjalankan kajian kebolehlaksanaan (*feasibility study*) dan implikasinya kepada cadangan ini.
32. PR-000-L42362
Tuan Abdullah Sani bin Abdul Hamid [Kuala Langat] minta **MENTERI KEWANGAN** menyatakan mulai 1 Mei 2010, dua (2) harga petrol berbeza akan diperkenalkan untuk warganegara dan bukan warganegara. Dan bagi warganegara, pelaksanaannya pula antara lain akan ditentukan berdasarkan kapasiti enjin kenderaan dan adakah mekanisme ini telah berjaya.
33. PR-000-L43037
Datuk Hajah Norah binti Abd Rahman [Tanjung Manis] minta **MENTERI PERTANIAN DAN INDUSTRI ASAS TANI** menyatakan :-
- (a) sama ada Kerajaan telah mula memeriksa untuk menentukan bahawa bahan makanan bagi ikan yang diternak oleh pengusaha-pengusaha ikan kolam di seluruh negara adalah halal; dan
 - (b) sekiranya tidak, bilakah Kerajaan akan mula membuat pemeriksaan bagi perkara yang tersebut.

34. PR-000-L42387
Dato' Dr. Haji Mohd Hayati Bin Othman [Pendang] minta **MENTERI KESIHATAN** menyatakan jumlah pesakit mental dalam negara kita kini dan apakah perancangan dan persediaan dalam menghadapi situasi ini dan peratusan kes bunuh diri sepanjang 5 tahun lepas.
35. PR-000-L42531
Datin Linda Tsen Thau Lin [Batu Sapi] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah rancangan Kerajaan untuk membantu para ibu tunggal.
36. PR-000-L41216
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
- (a) adakah Petronas bercadang membuat kajian dalam perlombongan uranium memandangkan Kerajaan mula fokus kepada pembinaan loji nuklear; dan
 - (b) rancangan Petronas untuk melabur dalam KAZATOMPROM (*Kazakhstan National Atomic Energy*) memandangkan Petronas sudah melabur minyak dan gas dalam negara tersebut.
37. PR-000-L42454
Puan Tan Ah Eng [Gelang Patah] minta **MENTERI DALAM NEGERI** menyatakan :-
- (a) adakah pihak Kementerian mempunyai rancangan untuk memberikan keutamaan kepada pemohon permit masuk untuk mendapatkan kewarganegaraan; dan
 - (b) adakah pihak Kementerian bersedia untuk menghapuskan dasar bagi pemohon PR sekiranya permohonan gagal dan terpaksa menunggu setahun untuk mengemukakan permohonan baru.
38. PR-000-L41510
Dr. Che Rosli bin Che Mat [Hulu Langat] minta **MENTERI PERDAGANGAN ANTARABANGSA DAN INDUSTRI** menyatakan kejayaan yang dicapai dalam menarik pelaburan luar negara dalam merancakkan ekonomi negara.
39. PR-000-L42873
Datuk Bung Moktar Bin Radin [Kinabatangan] minta **PERDANA MENTERI** menyatakan :-
- (a) kriteria dan ciri-ciri dalam menyalurkan bantuan wang ehsan serta wang pampasan terhadap tanaman yang musnah akibat banjir di seluruh negara; dan

(b) tindakan Majlis Keselamatan Negeri (MKN) dalam melaksanakan cadangan pembinaan Pusat Penempatan Banjir di Kampung Menggaris, Kinabatangan.

40. PR-000-L42125
Tuan Gobind Singh Deo [Puchong] minta **MENTERI DALAM NEGERI** menyatakan berapa jumlah pusat tahanan di Malaysia termasuk penjara, pusat pemulihan akhlak serta pusat tahanan untuk kanak-kanak serta jumlah tahanan di situ dan kos untuk membiayai pusat-pusat ini setahun.
41. PR-000-L42215
Datuk Nur Jazlan Bin Mohamed [Pulau] minta **PERDANA MENTERI** menyatakan sama ada Kerajaan bercadang untuk menstrukturkan semula sistem perjawatan Perkhidmatan Awam dan meluaskan lantikan secara kontrak untuk jawatan tertinggi seperti Ketua Setiausaha Negara dan Kementerian kepada pemohon yang bukan anggota Kerajaan yang sedia ada.
42. PR-000-L42646
Tuan Haji Ahmad bin Kasim [Kuala Kedah] minta **MENTERI TENAGA, TEKNOLOGI HIJAU DAN AIR** menyatakan penjelasan setelah meminda Perlembagaan Persekutuan pada tahun 2006 dan memindahkan bidang kuasa air dari senarai negeri kepada senarai bersama (*concurrent list*), jangka masa selama lima tahun telah berlalu, apakah pencapaian terhadap objektif pindaan tersebut. Sejauh manakah kerajaan negeri dibantu untuk mencapai objektif ini.
43. PR-000-L41903
Datuk Halimah binti Mohd Sadique [Tenggara] minta **MENTERI DALAM NEGERI** menyatakan tindakan Kerajaan ke atas 30,000 pendatang tanpa izin yang dikesan sedang bekerja secara haram dalam industri kawalan keselamatan tempatan termasuk kawasan perumahan dan sektor perkilangan.
44. PR-000-L42246
Tuan Gwo-Burne Loh [Kelana Jaya] minta **MENTERI DALAM NEGERI** menyatakan pecahan jumlah anggota polis yang terlibat dalam sindiket negatif seperti rasuah, melanggar disiplin, terlibat dalam kongsi gelap, dadah, komersial persendirian, aktiviti agama haram dalam tempoh 2000 hingga 2010.
45. PR-000-L42511
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan butir-butir projek kad pintar untuk mengawal pembelian petrol mengikut keupayaan yang telah dihentikan, termasuk nama pembekal, kos yang terlibat, skop projek dan sebab-sebab terperinci projek dibatalkan.

46. PR-000-L41133
Tuan Mohsin Fadzli bin Haji Samsuri [Bagan Serai] minta **MENTERI PERTANIAN DAN INDUSTRI ASAS TANI** menyatakan berapakah jumlah baki wang lebihan peruntukan subsidi kepada petani yang tidak habis dibelanjakan atau diguna pakai oleh petani sejak 2005 hingga kini.
47. PR-000-L41598
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan sama ada perhubungan yang terjalin antara suspek utama dalam kes pembunuhan peguam G Balasunderam, dan pegawai-pegawai polis berpangkat tinggi di Bukit Aman adalah sebabnya pihak polis enggan menangkap dan mendakwa suspek utama ini.
48. PR-000-L41833
Tuan Azan bin Ismail [Indera Mahkota] minta **MENTERI PENGAJIAN TINGGI** menyatakan mengapakah kaedah pengutipan balik pinjaman PTPTN telah melibatkan LHDN dan apakah kebaikannya.
49. PR-000-L41406
Dato' Haji Ab. Halim Bin Ab. Rahman [Pengkalan Chepa] minta **MENTERI KERJA RAYA** menyatakan bilakah Jambatan Berkembar, Jambatan Sultan Yahya Petra, Pasir Pekan-Kota Bharu akan siap sepenuhnya serta nyatakan kos perbelanjaan.
50. PR-000-L42505
Tuan Lim Lip Eng [Segambut] minta **MENTERI PELANCONGAN** menyatakan status terkini kegunaan dan kedudukan bangunan Malaysia Pavilion dari *Shanghai World Expo 2010*.
51. PR-000-L41424
Tuan Fong Kui Lun [Bukit Bintang] minta **MENTERI WILAYAH PERSEKUTUAN DAN KESEJAHTERAAN BANDAR** menyatakan projek-projek usaha sama DBKL dan sektor swasta dalam pembangunan perumahan dan kedai dari segi saham dan keuntungan/kerugian yang balik kepada DBKL dan apakah projek-projek yang sedang dalam pembinaan dan akan datang.
52. PR-000-L42941
Dato' Ibrahim bin Ali [Pasir Mas] minta **MENTERI PENERANGAN, KOMUNIKASI DAN KEBUDAYAAN** menyatakan apakah Kerajaan bercadang untuk mewujudkan Institusi Kesultanan Melayu dan juga Muzium Pahlawan-pahlawan Melayu sebagai sumber inspirasi sejarah bagi golongan muda dan juga dijadikan produk pelancongan.
53. PR-000-L41215
Tuan Mohd. Abdul Wahid bin Endut [Kuala Terengganu] minta **MENTERI PELAJARAN** menyatakan jumlah peruntukan bantuan untuk program Rancangan Makanan Tambahan (RMT) untuk Sekolah Rendah dan jumlah murid yang terlibat di seluruh Negara pada tahun ini berbanding dengan tahun lepas (2010).

54. PR-000-L41305
Tuan Haji Che Uda bin Che Nik [Sik] minta **MENTERI DALAM NEGERI** menyatakan dalam keadaan kemelesetan ekonomi yang lalu, banyak pekerja asing diberhentikan. Jawatankuasa bersama antara Jabatan Imigresen dan Jabatan Tenaga Kerja di peringkat Negeri ditubuhkan untuk tujuan menghantar pulang mereka ini ke negara asal. Berapa ramai mereka ini telah dihantar pulang dan siapa yang menanggung kos operasi ini.
55. PR-000-L42158
Tuan Hee Loy Sian [Petaling Jaya Selatan] minta **PERDANA MENTERI** menyatakan :-
- (a) apakah syarat-syarat persetujuan oleh Kerajaan dengan Syarikat MTD Prime, Metramac Corporation dan PLUS Expressways Berhad untuk tidak meningkat kadar tol setiap 5 tahun; dan
 - (b) kenapa Kerajaan tidak mengambil keputusan untuk menstrukturkan semula atau beli putus hak milik tol-tol ini daripada hanya kekal harga tol sebanyak 5 tahun.
56. PR-000-L42758
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan dengan merujuk kepada jawapan bertulis yang diberi kepada soalan Ampang bertarikh 11 Oktober 2010 dan 28 Oktober 2010, jelaskan setakat ini apakah hasil yang telah diperolehi melalui program 1AZAM yang telah dilaksanakan.
57. PR-000-L43028
Tan Sri Dato' Abd. Khalid bin Ibrahim [Bandar Tun Razak] minta **MENTERI DALAM NEGERI** menyatakan apakah bantuan yang boleh diberikan oleh Kementerian sekiranya Kerajaan Selangor dibenarkan untuk menubuhkan Pasukan Polis Bantuan untuk membantu Polis Di Raja Malaysia (PDRM) menjalankan rondaan dan pengawasan bagi membanteras jenayah.
58. PR-000-L41315
Dr. Ramasamy a/l Palanisamy [Batu Kawan] minta **MENTERI DALAM NEGERI** menyatakan apakah perkembangan dalam siasatan terhadap kes kematian sensasi peguam Selvarani dan mengapakah Pejabat Peguam Negara melengah-lengahkan siasatan terhadap kes-kes sebegini walaupun sedar bahawa "Keadilan Terlambat adalah Keadilan Dinafi (*Justice Delayed is Justice Denied*)".
59. PR-000-L42993
Puan Siti Zailah binti Mohd. Yusoff [Rantau Panjang] minta **MENTERI SUMBER ASLI DAN ALAM SEKITAR** menyatakan status pembinaan tebatan banjir di Sungai Golok, Kelantan. Bilakah projek ini akan mula dilaksanakan.

60. PR-000-L41152
Tan Sri Datuk Seri Dr. Fong Chan Onn [Alor Gajah] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah kes keganasan domestik dan keluarga yang telah berlaku sejak tahun 2000 dan apa tindakan yang telah diambil.
61. PR-000-L42168
Dato' Haji Mahfuz bin Omar [Pokok Sena] minta **MENTERI PERTANIAN DAN INDUSTRI ASAS TANI** menyatakan apakah prosedur kelulusan dan pemberian kuota beras ST15 kepada pengilang dan pemborong beras.
62. PR-000-L42050
Tuan Saifuddin Nasution bin Ismail [Machang] minta **MENTERI PERTAHANAN** menyatakan kos penyelenggaraan peralatan dan kelengkapan perang dalam Angkatan Tentera Malaysia yang memerlukan kepakaran jurutera asing akibat kekurangan kepakaran jurutera tempatan.
63. PR-000-L42635
Dato' Johari bin Abdul [Sungai Petani] minta **PERDANA MENTERI** menyatakan :-
- (a) kumpulan FELDA telah melabur dalam Syarikat Twin Rivers Technologies Inc. Amerika Syarikat, berapakah pelaburan yang telah dibuat dan berapa pulangan yang telah diperoleh sejak pelaburan dibuat; dan
 - (b) apakah manfaat khusus yang diperoleh oleh komuniti FELDA atas pelaburan ini.
64. PR-000-L41715
Dato' Haji Wan Abd Rahim bin Wan Abdullah [Kota Bharu] minta **MENTERI KERJA RAYA** menyatakan bilakah jambatan kedua Sultan Yahya Petra di Kota Bharu, Kelantan akan disiapkan.
65. PR-000-L42088
Tuan Tan Tee Beng [Nibong Tebal] minta **PERDANA MENTERI** menyatakan berkaitan kes yang berlaku pada September 2010 di mana 47 orang pelajar Institut Kemahiran Nasional telah ditinggalkan oleh pemandu bas oleh sebab mereka tidak mampu membuat bayaran tambahan, sama ada pemandu tersebut telah diambil apa-apa tindakan oleh mana-mana agensi di bawah Kementerian.
66. PR-000-L42482
Dato' Henry Sum Agong [Lawas] minta **MENTERI DALAM NEGERI** menyatakan bilakah diwujudkan '*Immigration Check Point*' di Ba'Kelalan sempadan Sarawak dan Kalimantan Indonesia.

67. PR-000-L41496
Puan Hajah Nancy binti Haji Shukri [Batang Sadong] minta **MENTERI PERUMAHAN DAN KERAJAAN TEMPATAN** menyatakan apakah peranan yang dimainkan oleh Majlis Tandas Negara dalam mengatasi masalah tandas-tandas di tempat awam termasuk di klinik swasta, di sesetengah lapangan terbang negeri, dan di restoran-restoran yang masih lagi tidak mencapai tahap kebersihan yang baik.

ATURAN URUSAN MESYUARAT DAN USUL-USUL

1. (D.R. 47/2010) Rang Undang-undang Tenaga Boleh Baharu 2010 –
Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (31 Mac, 2011)

[Kementerian Tenaga, Teknologi Hijau dan Air]
2. (D.R. 43/2010) Rang Undang-undang Pihak Berkuasa
Pembangunan Tenaga Lestari 2010 **Bacaan Kali
Yang Kedua**

**[Kementerian Tenaga, Teknologi Hijau
dan Air]**
3. (D.R. 34/2010) Rang Undang-undang Juruanalisis Makanan 2010 “

[Kementerian Kesihatan]
4. (D.R. 38/2010) Rang Undang-undang Perkapalan Saudagar
(Pindaan dan Peluasan) 2010 “

[Kementerian Pengangkutan]
5. (D.R. 39/2010) Rang Undang-undang Perkapalan Saudagar
(Pencemaran Minyak) (Pindaan) 2010 “

[Kementerian Pengangkutan]
6. (D.R. 42/2010) Rang Undang-undang Timbang Tara
(Pindaan) 2010 “

[Perdana Menteri]
7. (D.R. 44/2010) Rang Undang-undang Perkhidmatan
Kuarantin dan Pemeriksaan Malaysia 2010 “

**[Kementerian Pertanian dan Industri Asas
Tani]**
8. (D.R. 4/2011) Rang Undang-undang (Larangan) Kumpulan
Wang Kutu (Pindaan) 2011 “

**[Kementerian Perdagangan Dalam Negeri,
Koperasi dan Kepenggunaan]**
9. (D.R. 30/2010) Rang Undang-undang Penilai, Pentaksir Dan
Ejen Harta Tanah (Pindaan) 2010 “

[Kementerian Kewangan]

10. (D.R. 48/2010) Rang Undang-undang Maktab Kerjasama (Perbadanan) (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
11. (D.R. 2/2011) Rang Undang-undang Penggalakan Pelaburan (Pindaan) 2011 “
[Kementerian Perdagangan Antarabangsa dan Industri]
12. (D.R. 1/2011) Rang Undang-undang Veteran 2011 “
[Kementerian Pertahanan]
13. (D.R. 3/2011) Rang Undang-undang Institut Sukan Negara 2011 “
[Kementerian Belia dan Sukan]
14. (D.R. 5/2011) Rang Undang-undang Saraan Hakim (Pindaan) 2011 “
[Perdana Menteri]
15. (D.R. 46/2010) Rang Undang-undang Hak Cipta (Pindaan) 2010 “
[Kementerian Perdagangan Dalam Negeri, Koperasi dan Kepenggunaan]
16. (D.R. 45/2010) Rang Undang-undang Perbadanan Pembangunan Kampong Bharu 2010 “
[Kementerian Wilayah Persekutuan dan Kesejahteraan Bandar]
17. (D.R. 37/2009) Rang Undang-undang Cukai Barang dan Perkhidmatan 2009 “
[Kementerian Kewangan]
18. PR-000-U41523
Menteri Kewangan akan mencadangkan:-
 "Bahawa Dewan ini mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa Danalnfra Nasional Berhad, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham."

19. PR-000-U41523
Menteri Kewangan akan mencadangkan:-

"Bahawa Dewan ini mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM15,500 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

20. PR-000-U41312
Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa sejak akhir-akhir ini, negara kita sering dilanda bencana banjir kilat yang bukan sahaja mendatangkan kerugian kepada rakyat dan negara, malah terdapat juga kehilangan nyawa. Dan mengambil maklum bahawa sebahagian besar punca berlakunya bencana banjir kilat ini disebabkan oleh aktiviti manusia sendiri, di mana sungai-sungai, saliran-saliran dan kolam-kolam takungan air telah menjadi cetek disebabkan oleh mendapan lumpur dan pasir. Dan mengambil maklum juga bahawa mendapan lumpur dan pasir-pasir di tempat-tempat yang disebutkan tadi adalah disebabkan oleh aktiviti manusia sendiri, misalnya penimbusan tanah secara terbuka, pembangunan tidak terancang, pembukaan ladang-ladang dan lain-lain lagi aktiviti pembangunan. Dan mengambil maklum bahawa dalam banyak kes, laporan kesan alam sekitar (EIA) tidak disediakan langsung atau tidak dipatuhi. Maka dengan ini Dewan hendaklah mengambil ketetapan untuk meminta Kerajaan melalui Kementerian yang berkaitan untuk meminda mana-mana akta yang perlu bagi menguatkuasakan peraturan sedia ada atau peraturan baru bagi mengatasi masalah yang mendatangkan kerugian besar kepada negara dan rakyat ini."

(Menteri Sumber Asli dan Alam Sekitar)

21. PR-000-U41326
Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa terdapat banyak tanah-tanah perkuburan yang tidak terurus atau dikendalikan dengan baik, di mana ianya tidak disusun dengan rapi yang menyebabkan banyak kawasan kubur yang tidak dapat digunapakai. Dan mengambil maklum bahawa kos penyelenggaraan dan pemuliharaan tanah perkuburan kian meningkat, banyak tanah perkuburan yang terbiar dan menjadi seperti kawasan belukar. Dan mengambil maklum juga bahawa kebanyakan tanah perkuburan tidak dijaga ataupun diselia dengan baik kecuali sesetengah tanah perkuburan yang ditadbir oleh badan JKKK atau JK tanah perkuburan di kampung yang berkaitan.

Dan mengambil maklum juga bahawa pada ketika ini belum ada mana-mana peraturan sedia ada yang memastikan satu-satu tanah perkuburan diselenggara atau dijaga dengan baik bagi memastikan ianya sentiasa bersih dan terpelihara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu lembaga atau yayasan yang akan bertanggungjawab untuk menyelenggara dan menyelia tanah-tanah perkuburan di seluruh negara agar ianya sentiasa terpelihara sama ada dari segi kesihatan, kebersihan mahupun keindahan."

(Menteri Sumber Asli dan Alam Sekitar)

22. PR-000-U41335

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah tanah terbiar kian berleluasa. Dan mengambil maklum bahawa masalah bukan sahaja tidak mendatangkan sebarang hasil kepada pemilik tanah tersebut, malah ianya akan mendatangkan masalah lain seperti tempat pembiakan nyamuk aedes, ular, tikus dan sebagainya yang boleh mendatangkan berbagai jenis penyakit. Dan mengambil maklum juga bahawa perkara ini berlaku kerana beberapa sebab misalnya si pemilik tidak mampu untuk mengusahakan tanah tersebut , tanah tersebut terlalu kecil keluasannya, keluasan tanah yang tidak mencukupi bagi syarikat besar seperti FELCRA untuk mengusahakannya dan lain-lain sebab lagi. Maka dengan ini Dewan hendaklah mengambil ketetapan untuk meminta Kerajaan untuk menggubal satu akta atau peraturan di mana ianya akan dapat mendorong atau memastikan bahawa pemilik tanah-tanah terbiar tersebut untuk mengusahakannya. Di samping itu, menubuhkan satu koperasi bagi memajukan tanah-tanah tersebut dengan dana disumbangkan oleh syarikat swasta (di bawah Program CSR) dan Kerajaan."

(Menteri Sumber Asli dan Alam Sekitar)

23. PR-000-U41341

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah kebanyakan benteng sungai-sungai di pekan-pekan utama dibina dengan konkrit. Dan mengambil maklum bahawa sungai-sungai konkrit ini bukan sahaja tidak mesra alam, tumbuhan yang lazimnya tumbuh di tebing-tebing sungai juga tidak dapat tumbuh. Dan mengambil maklum juga bahawa sungai-sungai konkrit ini juga tidak memberikan ruang bagi ikan-ikan di sungai untuk meletakkan telur mereka dan membiak, seperti mana lazimnya berlaku di sungai-sungai semulajadi. Maka dengan ini Dewan hendaklah mengambil ketetapan untuk meminta Kerajaan untuk menambah mana-mana peraturan sedia ada,

supaya benteng-benteng sungai dibina dengan menggunakan cerucuk kayu keras ataupun "*interlocking bricks*" bagi membolehkan rerumput tumbuh dan juga ikan-ikan bertelur dan membiak (sebagaimana yang dibina di bandar Sibu, Sarawak). Kaedah ini adalah lebih mesra alam di samping mengekalkan flora dan fauna serta kehidupan marin sungai tersebut."

(Menteri Sumber Asli dan Alam Sekitar)

24. PR-000-U41523

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor seperti inflasi, dasar yang tidak adil, keadaan hak asasi, kedudukan kekurangan kebebasan media yang menjejaskan kehidupan rakyat. Bahawa Dewan ini juga membincangkan apakah perbezaan di antara Malaysia berbanding dengan negara Mesir yang mengalami pemberontakan 'bunga melati' moden."

(Perdana Menteri)

25. PR-000-U41525

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan keperluan untuk mengkaji secara menyeluruh kekurangan kualiti sesetengah doktor di negara ini serta cara-cara untuk mengatasinya. Dewan ini juga membicarakan sebab-musabab Majlis Perubatan Malaysia tidak dapat mengawal dengan berkesan standard graduan perubatan lebih 3,500 orang setiap tahun."

(Menteri Kesihatan)

26. PR-000-U43074

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para ahli berhormat dan proses Dewan Rakyat membuat keputusan terhadap dasar dan undang-undang."

(Menteri Penerangan, Komunikasi dan Kebudayaan)

27. PR-000-U43075

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk memulihkan Pilihanraya Kerajaan Tempatan demi menjadikan perkhidmatan Kerajaan tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

(Menteri Perumahan dan Kerajaan Tempatan)

28. PR-000-U43076
Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

(Menteri Perumahan dan Kerajaan Tempatan)
29. PR-000-U43077
Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

(Perdana Menteri)
30. PR-000-U43078
Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Menteri Dalam Negeri)
31. PR-000-U41480
Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan membincangkan mengenai perjanjian di antara pihak Petronas dengan Kerajaan negeri Sabah dan Persekutuan berkaitan cari gali minyak yang bukan sahaja mengandungi minyak mentah tetapi juga terdapat bahan-bahan lain seperti gas agar pihak-pihak yang berkenaan dapat menentukan dasar dan cara untuk meneliti dan mengkaji semula hasil galian tersebut demi untuk kebaikan bersama".

(Perdana Menteri)
32. PR-000-U41484
Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan meluluskan supaya kakitangan Kerajaan yang ditugaskan oleh SPR semasa pilihan raya berlangsung dan mereka yang bertugas di luar kawasan pada ketika itu termasuklah anggota polis,

tentera dan sebagainya yang membuang undi secara undi pos seharusnya mengundi dengan sebeb-bebasnya tanpa dipengaruhi atau diarah oleh mana-mana pihak. Para pengundi pos ini mesti dan haruslah membuang undi untuk calon dari kediaman asal atau alamat tetapnya dan bukan di kawasan di mana pengundi itu bertugas."

(Perdana Menteri)

33. PR-000-U41490

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini membincangkan dengan seriusnya mengenai kemuliaan rakyat negara kita sebagai Rakyat Malaysia dengan suku-suku kaum masing-masing dan bukan hanya dengan sebutan suku kaum Melayu, Cina, India dan lain-lain yang jelas mengetepikan suku-suku kaum dari Sabah dan Sarawak. Keadaan tersebut merupakan satu penghinaan bagi kaum-kaum dari Sabah dan Sarawak yang dicatat sebagai 'lain-lain' dalam borang-borang pentadbiran Kerajaan yang perlu dicatat sejelas-jelasnya mengikut suku bangsa rakyat Malaysia yang telah wujud sekian lama di negara ini."

(Menteri Dalam Negeri)

34. PR-000-U41436

Tuan Fong Kui Lun [Bukit Bintang] akan mencadangkan:-

"Bahawa Pilihanraya Kerajaan Tempatan hendaklah dipulihkan semula bagi melengkapi sistem demokrasi di Malaysia dan mengembalikan hak rakyat untuk memilih perwakilan mereka sendiri dalam Kerajaan Tempatan".

(Menteri Perumahan dan Kerajaan Tempatan)

35. PR-000-U41440

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kerajaan menyalurkan peruntukan tahunan kepada Ahli-Ahli Parlimen Pakatan Rakyat yang mewakili kawasan-kawasan yang dimenangi sebagaimana yang diberikan kepada wakil-wakil rakyat BN, supaya peruntukan dapat disalurkan untuk manfaat pengundi dan kawasan yang diwakili, sepertimana yang diamalkan di negara Taiwan. Langkah menyekat peruntukan tahunan wakil rakyat PR sebenarnya adalah satu diskriminasi politik ke atas para pengundi dan rakyat keseluruhannya dan sekatan amalan demokrasi sendiri".

(Perdana Menteri)

36. PR-000-U41442
Tuan Fong Kui Lun [Bukit Bintang] akan mencadangkan:-
- "Bahawa Dewan ini membuat ketetapan supaya Kementerian Pelajaran menyemak dan menyusun semula sukatan pelajaran subjek Sejarah Malaysia bagi memasukkan input yang tertinggal supaya ia lebih komprehensif, terbuka dan menjadi menarik untuk dipelajari".
- (Menteri Pelajaran)**
37. PR-000-U42596
Tuan Kulasegaran A/L Murugeson [Ipoh Barat] akan mencadangkan:-
- "Bahawa Dewan ini harus meminta Kerajaan supaya menubuhkan satu badan bebas bagi menjalankan kajian terperinci untuk mengenalpasti keperluan untuk membina sekolah-sekolah Cina dan Tamil yang baru."
- (Menteri Pelajaran)**
38. PR-000-U42599
Tuan Kulasegaran A/L Murugeson [Ipoh Barat] akan mencadangkan:-
- "Bahawa Dewan ini harus mengambil maklum bahawa Kerajaan harus menguatkuasakan undang-undang bagi mensyaratkan semua wakil rakyat mengumumkan aset milikan/kekayaan peribadi secara terbuka".
- (Perdana Menteri)**
39. PR-000-U42601
Tuan Kulasegaran A/L Murugeson [Ipoh Barat] akan mencadangkan:-
- "Bahawa Dewan ini harus meminta Kerajaan supaya mengambil ketetapan yang rasional dalam pemilihan jumlah golongan bukan melayu secara seimbang dalam sektor perkhidmatan awam."
- (Perdana Menteri)**
40. PR-000-U42289
Tuan Chua Tian Chang [Batu] akan mencadangkan:-
- " Bahawa Dewan ini mendesak Kerajaan Persekutuan mengembalikan hak kepada Negeri untuk melantik Pegawai Eksekutif *Ex-officio* yang memberi kuasa kepada Menteri Besar yang dipilih rakyat dan menghormati kedaulatan negeri. Jelasnya, pemindahan Perlembagaan pada Tahun 1983 terbukti adalah memusatkan kuasa kepada Perdana Menteri dan Ketua Setiausaha Negara untuk campur tangan dalam pentadbiran negeri."
- (Perdana Menteri)**

41. PR-000-U41589

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Suruhanjaya Pilihan Raya mencadangkan kepada Kerajaan agar:-a) mengurangkan umur minimum kelayakan mengundi dari 21 tahun kepada 18 tahun;b) menjadikan pendaftaran untuk mengundi adalah satu perkara yang automatik; dan c) pengundi berdaftar adalah diwajibkan keluar mengundi."

(Perdana Menteri)

42. PR-000-U41590

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar satu mekanisma yang efektif dalam bentuk jangka masa pendek dalam menangani masalah banjir di negara ini."

(Menteri Sumber Asli dan Alam Sekitar)

43. PR-000-U41591

Tuan John A/L Fernandez [Seremban] akan mencadangkan:-

"Bahawa Dewan ini mendesak agar Kerajaan dapat mengawal harga barangan asas seperti susu, gula dan tepung yang kerap naik harga tanpa mengambil kira kesannya terhadap rakyat yang rata-ratanya berpendapatan sederhana dan rendah."

**(Menteri Perdagangan Dalam Negeri, Koperasi dan
Kepenggunaan)**

44. PR-000-U41592

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil perhatian secara serius di mana terdapat ramai golongan muda kini telah diisytiharkan muflis akibat dari penggunaan kad kredit yang tidak terkawal."

(Menteri Kewangan)

45. PR-000-U41594

Tuan John A/L Fernandez [Seremban] akan mencadangkan:-

"Bahawa Dewan ini dapat mengarahkan Kerajaan untuk meminta semua penerima konsesi tol agar mengkaji semula kadar tol di negara ini bagi mengurangkan beban rakyat."

(Menteri Kerja Raya)

46. PR-000-U41597

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk mengadakan satu mata pelajaran tambahan di sekolah yang mengajar agama, adat istiadat, budaya serta cara hidup semua kaum di negara ini yang terdiri dari pelbagai kaum bagi mengelakkan perkara yang berlaku baru-baru ini di mana seorang pelatih beragama Sikh dipotong rambut panjangnya di Kem Pusat Khidmat Negara tidak berulang. Isu ini adalah pelanggaran hak asasi manusia dan hak beragama di Malaysia. Suruhan Siasatan Diraja harus ditubuhkan untuk menyiasat perkara ini. Jikalau orang ramai mengenali agama, adat istiadat, budaya serta cara hidup kaum lain, perkara seumpama ini tidak akan berlaku dan isu perkauman juga dapat dihindari."

(Menterian Pelajaran)

47. PR-000-U41600

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan Malaysia memberi lebih banyak peluang kepada masyarakat miskin tanpa mengira agama dan bangsa serta orang yang kurang upaya menjawat jawatan di sektor awam."

(Perdana Menteri)

48. PR-000-U41606

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan untuk menyediakan perkhidmatan *Wifi* di seluruh negara untuk menggalakkan rakyat menggunakan internet bagi menambah pengetahuan mereka dan ini dapat menggalakkan semua lapisan masyarakat menggunakan internet."

(Menteri Penerangan, Komunikasi dan Kebudayaan)

49. PR-000-U41609

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan mendesak pengusaha-pengusaha stesen minyak untuk menyediakan lebih banyak perkhidmatan membekalkan gas bagi menggalakkan lebih ramai orang menggunakan gas bagi kenderaan mereka yang mana ini dapat mengurangkan pencemaran udara."

(Menteri Perdagangan Dalam Negeri, Koperasi dan Kepenggunaan)

50. PR-000-U41611
Tuan John A/L Fernandez [Seremban] akan mencadangkan:-
- "Bahawa Dewan ini meminta Kerajaan menggubal undang-undang agar anak-anak dihadapkan ke mahkamah sekiranya mereka mengabaikan ibu bapa mereka yang sudah tua."
- (Menteri Pembangunan Wanita, Keluarga dan Masyarakat)**
51. PR-000-U42038
Tuan Liew Chin Tong [Bukit Bendera] akan mencadangkan:-
- "Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara sebagai syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene yang telah menimbulkan banyak persepsi negatif terhadap negara".
- (Menteri Pertahanan)**
52. PR-000-U42040
Tuan Liew Chin Tong [Bukit Bendera] akan mencadangkan:-
- "Bahawa Dewan ini menyokong bahawa Perdana Menteri untuk menjelaskan kekeliruan yang disebabkan atas jawapan beliau tentang perbelanjaan Isteri Perdana Menteri pada Dewan yang lepas iaitu pada November 2010 yang tidak dipadani dengan kewujudan "First Lady of Malaysia Division" seperti yang ditunjukkan oleh direktori laman web Jabatan Perdana Menteri."
- (Perdana Menteri)**
53. PR-000-U42020
Dato' Seri Zahrain Mohamed Hashim [Bayan Baru] akan mencadangkan:-
- "Bahawa Dewan ini membuat ketetapan untuk merakamkan setinggi-tinggi penghargaan dan terima kasih kepada Kerajaan Malaysia, Kerajaan Arab Saudi, Majlis Keselamatan Negara, Angkatan Tentera Malaysia dan pihak lain yang terlibat secara langsung dan tidak langsung dalam menjayakan "Ops Pyramid" untuk menyelamatkan rakyat Malaysia yang terperangkap dalam pergolakan berdarah di bumi Mesir".
- (Menteri Luar Negeri)**

54. PR-000-U42023
Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri supaya keanggotaan Panel Perunding dan Pencegah Rasuah Suruhanjaya Pencegah Rasuah Malaysia (SPRM) dikaji semula bagi mengelakkan sebarang tindakan anggota panel yang mencatatkan imej SPRM dan Kerajaan."

(Perdana Menteri)

55. PR-000-U42025
Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YAB Perdana Menteri mengkaji semula pengurusan dana dan bentuk pelaburan Lembaga Tabung Haji Malaysia. Dewan ini sedar tentang wujudnya kerisauan di kalangan umat Islam tentang penglibatan Lembaga Tabung Haji dalam pelaburan berisiko tinggi di dalam dan luar negara".

(Perdana Menteri)

56. PR-000-U42028
Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Dalam Negeri dan YB Menteri Pembangunan Wanita, Keluarga dan Masyarakat mengambil langkah-langkah perlu untuk membersihkan bandaraya-bandaraya kita daripada sindiket "pengemis dan peminta derma" yang memperalatkan kanak-kanak, orang tua, orang kurang upaya dan pendatang asing. Dewan sedar bahawa tindakan 'pengemis dan peminta derma' ini menjejaskan imej negara dan menimbulkan persepsi negatif terhadap Kerajaan dan rakyat, selain masalah keselamatan."

(Menteri Pembangunan Wanita, Keluarga dan Masyarakat)

57. PR-000-U42030
Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Kewangan memansuhkan pendekatan penghapusan subsidi secara total dalam kerangka Model Baru Ekonomi (NEM).

Dewan mengambil iktibar bahawa tindakan drastik penghapusan subsidi akan menggugat kestabilan sosial dan mungkin mengancam keselamatan negara seperti yang pernah berlaku di beberapa negara jiran, termasuk Indonesia pada lewat tahun 90an dan situasi terkini di negara Mesir."

(Menteri Kewangan)

58. PR-000-U42273

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agung Bangsa-Bangsa Bersatu pada 18 Disember 2007 di mana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

(Menteri Dalam Negeri)

59. PR-000-U42275

Tuan Gwo-Burne Loh [Kelana Jaya] akan mencadangkan:-

"Bahawa Dewan ini membuat ketetapan menubuhkan sebuah Suruhanjaya Diraja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Menteri Sumber Manusia)

60. PR-000-U42278

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Integriti Agensi Penguatkuasaan (SIAP) menjalankan siasatan ke atas kematian adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini.

Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar Suruhanjaya ini mampu untuk menjawab pelbagai spekulasi."

(Perdana Menteri)

61. PR-000-U42196

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil langkah segera bagi meringankan beban rakyat dengan menghapus dan memansuhkan semua jenis tol di lebuhraya Malaysia."

(Perdana Menteri)

62. PR-000-U42197

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil tindakan membatalkan semua jenis saman ekor tertunggak yang berjumlah 15 juta saman setelah pelaksanaan format dan Akta Pengangkutan Jalan pindaan 2010 dikuat kuasakan."

(Menteri Dalam Negeri)

63. PR-000-U42199

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menutup syarikat Felda Plantation dan mengagihkan tanah milik Felda Plantation kepada generasi kedua dan ketiga peneroka Felda."

(Perdana Menteri)

64. PR-000-U42201

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan memberikan pengiktirafan peranan dan jasa kakitangan awam dengan mengkaji semula struktur gaji bermula dengan menaikkan imbuhan perguruan sebanyak RM500 sebulan setiap seorang guru sebagai penghargaan kepada guru."

(Perdana Menteri)

65. PR-000-U42203

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menaikkan royalti minyak kepada negeri Sabah, Sarawak, Terengganu dan Kelantan kepada 20 peratus."

(Perdana Menteri)